


蜀
碧石
二

蜀
碧石
二

| | | |
|---|---|---|
| 漢 | 書 | 門 |
| 八 | 八 | 七 |
| 四 | 六 | 八 |
| 二 | 冊 | 架 |
| 函 | 號 | 類 |

| | | | |
|---|---|---|---|
| 內 | 閣 | 文 | 庫 |
| 漢 | 書 | 八 | 八 |
| 七 | 四 | 二 | 九 |
| 冊 | 架 | 函 | 號 |

| | |
|------|---------|
| 內閣文庫 | |
| 番號 | 漢 8874 |
| 冊數 | 2 (1) |
| 函號 | 290 20 |



蜀
琥珀

本衙藏板

蜀

碧者哭蜀也哭蜀者

所以著楊嗣昌之罪而

懶卻短春之愚以弔忠

淺草文庫

魂烈魄於地下也蜀之
險甲天下絕其要塞雖
百萬可立挫爲賊一入
寇秦良玉扼之向非賂

卻捷春之死也獻賊之
三八蜀也方衛屠戮流
血成川蜀之受患極矣
當是吐自縉紳以至氓

庶盡節者不可勝數凡
閨中婦女或閉戶自焚
或罵賊以死者無算也
戎事倥偬其事不火盡

傳傳者又莫由表述矣
以於春使淚之君子得
以考之則死者可以無
憾故曰哭蜀者所以弔

忠魂烈魄於地下也暴
者余嘗論其大略特未
暇詳今余弟磬家採擇
成編頗為詳悉是固大

陳奇瑜脫去則賊之云
久矣嗣昌委賊於蜀夫
人却之而捷春不知也
撤夔萬之藩籬守重慶

之門戶使賊得出入
縱橫而縣所忌此其罪
在誰乎故曰哭蜀者所
以著楊嗣昌之罪而憫

有志也嗚呼蜀非有深
怨積怒於賊也而殘忍
苦害果天命為之耶抑
人事使然耶覽是集者

次將有勤懇泣下而不
能已者已故曰蜀碧者
哭蜀也樂竺彭端洲撰

目錄

一卷

起戊辰崇正元年止癸未

二卷

起甲申

世祖章皇帝順治元年止本年十二月

三卷

起順治二年乙酉止順治四年丁亥

四卷

目錄

起順治五年戊子止

聖祖仁皇帝康熙二年癸卯

附記

十五條

義例總言

崇正七年賊始禍蜀亂之初生實維元年書賊起從其朔也
 獻初入蜀受創未深危亡之形非自丁丑賊蜀者闖其先也
 閣部督師而以蜀為壑撫臣拒諫而動失機宜破軍殺將流
 毒生靈厥罪維均也請餉不與請名募不與國既卒斬又將
 誰懟而社井星隳闔宮安燼猶是國君死社稷也蜀中文武
 協心復仇衽草枕戈不忘討賊事雖不成亦足為烈于天下
 也天鳴地震水溢山崩物怪人妖鬼魅瘟疫亡國之徵孽不
 虛作也忠臣義士節婦烈女內而細民外之土目無微不意

義例總言

表幽魂伸鬱魄也勝廣挺漢高興翟李熾唐宗出韓劉亂明
祖起驅爵驅魚寶陰相之終之

王師平蜀寇盜之禍天所以開

聖人也二十年中天地沉迷生民磔裂燕巢林木雞犬罕音
荼毒之慘于斯已極李賀所云恨血子年化為碧也事多緒
襍鋪次為難晰目總綱毫末可了書法倣之古人公案便於
閱者非敢比吳楚之僭王也乙丑八月中秋後總言

蜀碧卷一

起戊辰
止癸未

丹溪生彭遵泗磬泉編述

戊辰崇正元年冬十有二月陝西賊大起

陝西連歲大侵平涼延安間饑民相聚為盜首亂者王子
順苗美張聖姬三兒王嘉允黃虎小紅狼一丈青龍得水
混江龍掠地虎上天猴闖王孟良劉六等名目甚衆督撫
討之久無成功其後併小為大李自成張獻忠虎視鴟張
秦楚豫蜀之間戰無堅陣攻無堅城肝腦塗中原而明社
屋矣

丹稜學博何脩云大放間蜀大旱遵義守令集黃冠禱雨拜章者伏地彌日及起守詢之云上帝召天下都城隍議事章出甚遲問議何事云戰場始於陝西至崇正初年秦中賊果起○脩明季遵義人

巳己 四川地大震○是後不書四川所紀皆蜀事也

午庚 秦蜀二境擊柝相聞賊既亂秦蜀豈無知而瞿塘劍閣間不聞修邊備實軍儲袖手以待賊入何與備叙歲次痛當事無陰雨之憂也

未辛

壬戌 甲戌 癸酉

春正月叙州母猪洞銅鼓鳴聲聞一晝夜

二月流賊張獻忠始自楚犯蜀○獻忠陝西膚施人本將家子少時從軍犯法得總兵陳洪範救免刻梅檀為洪範像事之其為賊也與羅汝才同起獻忠身長而瘦面微黃鬚一尺六寸慄勁果俠軍中稱為黃虎又號八大王二月自鄖陽渡漢犯襄陽連陷紫陽平利白河等邑遂入四川賊陷夔州府及大寧大昌開縣新寧諸邑○賊至大昌人

皆走避有羅傑者獨坐室中正衣冠閱書史賊入罵之遇害

賊犯梁山邑人中書涂原擊走之○原以中書家居賊至集鄉勇與戰箐銃間伐大松感山徑而用竹畚囊石飛擊之又以毒矢射賊中者見血立斃賊敗退入巴州為川兵所破去攻太平石砭女士司秦良玉將兵至夔蜀撫劉漢臣運長壽之米順流濟師賊知有備不敢攻太平圍解漢臣及按臣黨崇雅請用涂原以蜀人治蜀兵不許賊攻保寧不下走犯廣元城上發礮石擊之遁○賊攻保

寧推官張一鶚按臣劉宗祥川北道夏時亨共謀守禦不能下走攻廣元圍七晝夜城上人發礮石擊之賊遂遁方賊犯夔陵松滋入歸巴萬山中荊州推官劉振纓提施兵從戰香溪壩平陽壩斬獲殊衆而楊正芳有金沙舖之捷李卑有蓮花白溝二坪之捷鄧玘有胡地冲之捷許名成有仙女山之捷當時川撫若董石砭兵力扼巫夔不令得入諸鎮戮力可望成功迺施兵以援荆東下舍之勿追夔關天險無一人敢誰何此賊入蜀之始也

子丙春賊既退秦楚間蕃封數陷蜀王泄泄然不知遠慮成都
令吳繼善痛哭于王之朝以書諫曰高皇帝衆建藩輔基
置繡錯數年以來蹈命亡氏失其國家此數王者非真有
敗德失道見絕於天也直以擁富貴之賞徂便安之計為
賊所利而不思自全此非殿下前車之鑒乎今楚氛日惡
秦關失守曹陽姚黃陸梁左右殿下付之悠悠而不恤夫
全蜀之險在邊不在腹若設重戍於夔門劍閣誠足自固
否則黃牛白帝亦屬彘庚黑水陽平更多岐徑迺欲坐守
門庭謂為設險不可解者一也往者蘭首撲滅獻賊逃遁

止以藺兵力有虧獻地利不習今者荆襄撤其藩籬秦隴
寒其唇齒揣量賊情益無瞻忌而欲援引前事冀倖將來
不可解者二也至于錦城之固不及秦關白水之險寧踰
湘漢此可惜以無虞彼何為而失守且城如孤注救援先
窮時及嚴冬長驅尤易累卵不足喻其危厝火不是明其
急而猶事泄泄以幸苟免不可解者三也為殿下計宜名
境內各官詔誡謀議發帑金以贍戍卒散朽粟以慰饑民
出明禁以絕廝養蒼頭蠲積逋以免流離溝瘠募民兵以
守隘結彘目以資援政教內修聲勢旁振則可易危為安

轉禍為福苟或不然蜀事誠莫知所終矣竊為殿下危之
王不能用○時姚黃賊初起繼善江南人才辯濶達有謀
略後殉難于蜀

丁閏四月雅州地震馬湖四土洞地震者二叙州建武瀘州
越雋皆同日震

五月闖賊李自成自秦州犯蜀連陷南江通江等邑尋退
去

劍州大水○先一日沿灘積石數百皆反覆無定及水至
民登州堂以避者免餘俱漂沒黃腸凶具架屋標者纍纍

九月黃安地震榮縣黃時太家地鳴聲聞半里○是月給
事中吳宇英言于朝曰臣卿以策書徵令救關中者無已
壯丁死於瘡痍老弱困於騷動以此城邑空虛關梁不戒
賊以緞抵隙連陷南江進江二邑鎮臣侯良柱猶以賊遁
為功易視賊占曰地震主兵又曰地鳴者伏屍流血災不
徒設臣竊憂之

十月丙寅李自成由漢中趨攻廣元總兵侯良柱戰死○
李自成混天星過天星等以十月初三日破漢中之寧羗
州分其軍為三一由黃壩攻七盤關一由梨樹口麥坪入

廣元一由陽平陽過青岡坪土門塔向白水侯良柱壁廣元賊至力戰死於陣賊結七十營於烏龍山下良柱遂陣亡有屍無首後削生前官職

賊陷昭化知縣王時化死之○初五日賊分兵守二郎關初八日從淺灘過河破昭化知縣王時化不屈死賊破劍州知州徐尚卿及州人楊子鼎等死之○先是初九日賊攻劍門州吏士塞石牛道獻賊遂回屯江口初十日疾趨攻劍州城將破知州徐尚卿召士民語之曰城不可守吾惟有死耳爾等避之衆不忍去尚卿書城空不可

守仗節為誰危苟竄那無計殊羞孤影隨數語匿於懷于鼎與尚卿共守城城陷尚卿自縊死于鼎率子姪諸孫令青等督衆巷戰奮臂擊賊賊怒支解以死子姪皆被殺

漢州知州陳雲鵬為賊所執欲授以官不從死之

賊破梓潼○十二日梓潼破庠生趙節妻魏氏被執給賊曰家有積金窖之江邊願取以行賊喜同至園子潭氏奮身投水死

賊陷江油執知縣馬弘源○賊破梓潼三分其軍一往縣州一往鹽亭一往江油江油陷知縣馬弘源被執不死尋

提問

賊攻縣竹諸生王鐸及其妻趙氏死之○賊至巴陵入潼水趨維江德陽漢州聞風先潰攻縣竹至邑中劫王鐸與妻趙氏令之跪鐸大罵不屈賊以兵脅趙氏氏亦大罵賊又殺之時貢生施奇與妻姜氏避亂西山聞賊近恐其辱也拔一簪授婢曰吾不能逃汝速去萬一得生汝主自北歸來持此語之我不敢為家門羞噉畢投崖死

賊焚新都越一日焚彭縣

賊掠郫縣王簿張應奇死之攻溫江丞簿縱繫囚逃

賊破金堂典史潘夢科死之○鹽亭一股賊抄西充折遂寧趨潼川直走金堂攻破之夢科不屈死自是重慶以下皆戒嚴矣

賊圍成都二十日○蜀五之增檢刊焉

冬十有二月總督洪承疇總兵曹變蛟帥師援蜀次於廣元○初巡撫王維章以賊去而侯良柱撤隘兵也相齟齬上書言之朝廷深以為憂維章守保寧良柱守廣元及廣元破良柱戰沒賊直逼成都維章及在其下不及接按臣陳廷謨雖檄總兵羅尚文集永遵松茂之兵來援又自以

使事訖察按臣梁士濟已至意可弛擔有詔維章良柱俱削職戴罪自贖廷謨降三級蓋不知良柱之死也時輔臣劉宇亮宗人殲于綿竹告家難上遠治維章以傳宗龍代之

戊寅

春正月洪承疇大敗闖賊于梓潼賊還走陝西○是役也

賊陷州縣三十六蜀創甚

夏六月秦寇再入蜀○寇田陽平白水再入蜀巡撫傅宗龍以滇兵二千與蜀帥羅尚文謀戰守却之

己卯

春正月保寧天鼓鳴○時成都東嶽廟玉帝像自動不止

夏五月以參政邵捷春撫蜀○代傅宗龍也

秋八月大學士楊嗣昌督師討賊○先是十一年夏四月張獻忠偽降於穀城理臣熊文燦責賂黃金蹠裏于珠璣盈斗他貨累萬受其降及是年五月獻忠復叛攻殺知縣阮之錕漢東大擾上命閣部楊嗣昌督師討之賜上方劍宴於平臺後殿上手觴嗣昌三爵賜以詩云鹽梅今暫作干城上將威嚴細柳營一掃寇氛從此盡還期教養遂民生書用黃色金龍蠟箋後署云賜督師輔臣嗣昌張獻忠寇蜀官軍敗績于湯家瀾○先是左良玉羅漢山

之敗在七月獻忠謀入秦秦督鄭崇儉率副將張應元汪
之鳳賀人龍李國奇抱興安賊犯興山太平等縣屯於永
寧關大巴山分水嶺秦蜀之交界又從義溪走馬家洞沙
子嶺以關合江從鹿耳坡高竹坪以窺大寧蜀撫邵捷春
遣其兵二千人同副將王之綸方國安分地拒險八月官
軍敗績於湯家灘之綸力戰不支都司何明沒於陣禪將
之傷

九月方國安部將岳宗文譚鉞破賊於三尖峰○時又破
之於黑水河張獻忠羅汝才分其軍自白水之碧魚口入

秦合江之萬家坡入楚

冬十有二月流賊羅汝才犯蜀○汝才綽號曹操先豫中
童謠云鄴臺復鄴臺曹操今再來汝才因假以為號

庚辰
春全川地鳴

夏五月石砮女土官秦良玉大破羅汝才於夔州○汝才
入巫山為良玉所扼遂犯夔州良玉師至迺去已而邀之
馬家寨斬首六百級又追敗於留馬埡斬其魁東山虎復
合他將大敗之於譚家坪北平又破之仙寺嶺奪汝才大
纛擒其渠副塌天等六人賊走大寧

六月安岳紅雨着物俱赤色

秋七月督師楊嗣昌駐師彝陵○時張獻忠敗於瑪瑙山遣間說左良玉曰獻忠在故公見重良玉迺圍而不攻賊得與山民市鹽芻米酪收潰卒養痍傷久之自興房走白羊山西合羅汝才悉銳來攻夔州官兵大潰楚將張應元中流矢突圍走叅將汪之鳳等戰死嗣昌在襄陽聞之迺進師彝陵

嗣昌虛恢自用又煩瑣無大略軍行必自我進止千里待報動失機宜其駐彝陵也偕幕士飲酒賦詩一月不進取

華嚴第四卷謂可咀蝗已早公然下教郡邑且以上聞朝士聞而歎曰文若其將敗乎擁百萬之衆戎服講經其哀已甚將何以戰嗣昌楚人不欲賊一騎蹂楚其初至軍即謀以蜀困賊謂蜀地險遠極邊則松潘諸蠻吾藉將士力感賊而致之蜀蜀能守則守不能守棄涪萬松雅之間以啗賊秦兵斷棧道臨白水滇兵屯曲靖扼白石江我率大兵掩擊其後驅入松潘諸蠻中可制賊死命又恐蜀之門戶堅反而決關凡蜀兵之强者輒調之以飾他備巡撫邵捷春戲下止弱卒二萬守重慶捷春憤曰令甲失一城巡

撫坐今以蜀委賊是督師殺我也爭之不能得

時嗣昌又下檄曰賊東走大寧大昌由彝陵下荆襄者我當之西走紫興房竹入秦者左良玉當之伺四川走夔門邵捷春當之又令蜀無棄兩省界中三十二隘口專守夔門用楚大兵從竹房逼賊於大寧大昌勢如圓盤點滴不漏捷春意其以失地相害也堅守各隘會隘將覃思岱楊茂選者不相能思岱陰中茂選捷春不察立召茂選斬之即以兵屬思岱一軍皆怨相率委去賊遂從此隘入諸隘駭散賊直斬夔關從白馬渡過江壁達州西關蹂及蓬縣

矣

巡撫邵捷春移秦良玉兵至重慶○時知縣州陸遜之罷官歸捷春遣往接行營壘過秦秦冠帶佩刀出見左右男妾十餘人然能制其下視他將加肅為陸置酒歎曰邵公不知兵吾一婦人受國恩應死所恨與邵同死耳之遜請其故良玉曰邵公移某自近去其所駐重慶三四十里而遣張令守黃泥窪固已失地利矣賊在歸巫萬山之上俯瞰吾營鐵騎建瓴而下張令破次及我我敗尚能救重慶之急乎且閣部驅賊入蜀無知愚皆知之不及此時爭山

奪險令賊毋敢即我而坐以設防此覆軍之道也

九月張獻忠陷大昌總兵張令死之捷春收兵扼梁山○先是萬元吉駐巫山邵捷春駐大昌相聲援捷春用其將邵仲光之言以大昌之上中下馬渡水淺地平難持久迺扼水寨之觀音巖為第一隘而夜又巖三黃嶺磨子巖魚河洞下涌諸處各分兵三四百人以守元吉以兵分力弱為憂賊以九月先突觀音巖三黃嶺窺下馬渡無備破之元吉急檄諸將邀之於讀家嶺七箐坎乾溪而張奏凱以專兵屯淨壁捷春用羅洪政沈應龍二將兵助之已而獻

忠從竹茵坪突過淨壁進屯開縣○昌聞蜀兵潰取觀音巖守將邵仲光斬以徇是時張令中流矢死石砮軍亦覆沒令故奢崇明降將年七十餘能馬上用五石弩中必貫革忠勇善戰軍中號神弩將捷春倚之然性輕敵時有賊策一騎於山呼其壘曰誰是張將軍令易之躍馬出賊曰若善弩今用相報發矢中項以效良玉兵既敗單騎見捷春曰事急矣盡發吾溪洞之卒可二萬我自餽其半半餽之官足破賊土官家調兵用一箸一帚者最急著以能飯者畢至帚則掃境盡出也捷春見嗣昌與已不相能而蜀

無兒糧峒寨之人詎可信遂謝良玉言不用自收其兵扼
梁山

時有降賊自請於捷春曰某降有日矣而公不我用有疑
我心乎郤曰軍機大事汝新從賊來固不能無疑賊曰吾
從賊久恨失身欲圖報國公疑則速殺我否則當早用吾
計今賊大衆既疲乘饑可滅倘有他賊以軍糧接濟者雖
百萬衆無能破之矣捷春從之賊盛言諸賊山中所窖金
銀處以動將士而道上所遇皆餓莩無人名其死者剖其
腹盡草樹皮謂可信迺盡新募軍者二萬人深入皆覆沒

焉

捷春退屯緜州○羅汝才既與張獻忠合獻忠以梁山河
水深不得渡謀於汝才曰達州河淺不如自開縣西走復
東向而趨達州是時方國安招集殘兵保達之郊獻至不
敢爭賊遂渡河長驅深入捷春退屯緜州扼涪江

賊趨漢中趙光遠賀人龍拒之復走巴西○捷春既扼涪
江賊聞疾走劍州趙廣元將從間道趨漢中趙光遠賀人
龍拒之於陽平百丈二關不能進迺踰昭化復走巴西張
應元合楚蜀兵邀之於梓潼戰小利賊反關被劔蜀將曹

志耀王光啟張世福力戰却之降將張一川等陣亡涪江軍聞之遂潰

賊屠縣州捷春歸成都賊逼成都○賊從縣趨攻內江內江有土司家將毛文者設守賊至文與戰大敗之於東瓜崖殺其渠魁曰曹四賊因偃旗鼓疾走成都成都城龜形其下皆甃石惟北角樓用土填築少瑕賊夜至穴城數處將穿矣城中出董卜蠻者與之戰敗大賊殺其卒萬人迺遁

冬十月參足突入玉井○占白虎狼暴害其時厭方蹂躪

四川蓋其應也

十一月遠邵捷春論死○嗣昌先以大昌失事糾捷春罪用監軍道廖大亨代之捷春為人清謹有惠政士民哭送者載道舟不得行競逐散旗官蜀王疏救不聽

楊嗣昌進軍駐重慶○嗣昌幕下評事萬元吉饗士於保寧用猛如虎為正總統張應元副之令率其軍趨縣州諸將分屯要害而元吉自間道走射洪過蓬溪以待賊時賊屯安岳周里場知官軍至宵遁如虎選騎逐賊元吉與應元營安岳城下以截賊歸路是月也賊縱掠什邡縣竹安

縣德陽金天殿以府門外屋為朝房詔民間皆稱老萬歲
又建東西二府以可望定國居之命皆稱千歲是日殿前
賜各官朝服令丞相以下朝罷齊集朝房議事

賊取井斫陳氏女即相國演女或云胡氏女立為偽后其
迎入也自南門五里外架橋高十數丈踰城直達藩府左
右五綵欄檻上結錦綉絡以明珠象星辰首尾懸水晶燈
籠象日月一望如長虹亘天迷離奪目論衆云天賜后也
封其兄為國戚不十日皇后賜死其兄亦受極刑賊於是
令兵馬於城上大橋出入

開科取士中鄉試者八十人中會試者五十人以漢州樊
姓為狀元一云姓劉榜探皆具獻自為萬言策歷評古今
帝王以西楚霸王為第一命頒布學宮所取狀元後隨川
北不知所終 或曰傳臚後賜美女酒緞甫歸令人就其
家斬之其餘俱以受職死

蟾寺感賊北竄永川逆而擊之可以盡殲已而抵立石賊
營先移秦師屯小市廂隔水而陣賊渡南溪秦兵縱之遂
越成都走漢州德陽元吉單騎至藉田鋪賊渡縣河入巴
州嗣昌既誅監軍謀不用將以明年正月自統舟師赴雲

陽徽三軍陸行疾趨追賊毋令他佚諸將迺盡從瀘州躡賊後賊反而東走諸路盡空不可復過于是自巴抵達及於新開

巴春正月己丑總兵猛如虎追賊及開縣之黃陵城敗績叅將劉士杰等死之○官兵追賊至廣陵日晡雨作叅將劉士杰環甲持矛摧陷賊陣賊衆披靡後軍無繼者賊密抽騎越竹箐中乘高大呼馳下士杰及遊擊郭開猛如虎之子先捷力戰皆死如虎率牙兵鏖拒中軍馬智挾之衝突潰圍走羶符盡失嗣昌在雲陽聞敗頓足歎曰吾不用萬

監軍之言以至於此賊遂東下

萬元吉永川之議也猛如虎先行詢鄉導無一人應者元吉輕騎至城中惟丞簿一二人縣令戴堯雲已先期遁及諸將會於瀘中軍陳可立擁羶牛頭山飲倡樂以觀鬪元吉令之赴賊背道馳去如虎所將寧國兵止六百騎餘皆平賊鎮兵平賊鎮左良玉驕悍不法流言云想殺我左鎮跑殺我猛鎮蓋諸軍隨良玉優游不戰而如虎逐賊日馳風雪中不樂也未幾大噪西歸易曰師出以律否滅凶嗣昌之軍律如此宜其凶終也

元吉以嗣昌薦起自廢官欲乘時會以立功名當自保寧
 趨達州時賊燒絕驛置七百里不見烟火單騎崎嶇菁銑
 間至江合騎放舟始及大軍故一見督師即請分兵以為
 後距開縣之敗元吉親至戰處為文以祭陣亡將士劉士
 杰等哀動三軍在夔門收召殘卒登白帝以望賊騎歷歷
 在山谷間我師川湖諸將反出其後無一人禦之者不覺
 撫髀流涕而痛昔日吾謀之不用也

三月楊嗣昌至荊州之沙市自殺○嗣昌引兵歸楚傳箭
 名潰卒順流東下而賊已席捲出川率輕騎一日夜馳三

百里殺督師使者於道取兵符馳呼襄陽城門入之夜半
 從中起城遂陷獻忠縛襄王置堂下屬之酒曰吾欲斷嗣
 昌頭嗣昌在遠今借王頭俾嗣昌以陷藩伏法王努力盡
 此酒遂害之嗣昌羞憤抵荊州沙市之徐家園伏毒以死
 午壬夏達州城濠水盡變為血城中井鳴○又劍州民家有滴
 血汚其門城中數萬戶皆同

冬十月松潘兵變○松潘邊兵以索餉不給聚眾數萬為
 亂巡撫陳士奇以禍福諭之眾迺定
 未癸夏大足縣李結實如刀豆川南李生黃瓜○占云李生黃

瓜民皆無家化離之兆也時民家有貯米箕中者粒粒躍
出傾刻布地
又梓潼縣龍江寺僧晨起汲水見霞光燭天潛伺之少頃
有麟浮出潭水踰時迺隱未幾厥逆入

蜀碧卷一終

蜀碧卷二

起甲申止本年十二月

丹溪生彭遵泗磬泉編述

甲申是年三月十九日闖賊李自成陷京師懷宗殉社稷
夏五月我

大清

世祖章皇帝定鼎燕都是為順治元年○是歲八月獻賊陷蜀
春正月日赤○日中有赤氣數道下寬上銳自東指西又
日月無光赤如血仰視北斗皆不復見
大星出西方○芒熒閃鑠不定至獻賊滅後迺隱

彭縣白鹿山裂

張獻忠復自楚寇蜀正月夔府陷○先是崇正十六年獻忠破江西廣東諸郡縣再入岳州或有進策東下取吳越者獻忠以左良玉駐武昌忌之迺決議入蜀時蜀撫陳士奇性率傲無他籌略緣劾候代軍不放糧十三隘口無分遮者賊至梅子坡山而饑以無兵故入之秦良玉馳援衆寡不敵潰正月陷夔府

賊入萬縣貢生吳獻斐被執不屈死○獻斐被執強以為叅軍不受賊怒斷臂解腕而死其子之英痛父亦被磔焉

時賊攻梁山邑人高宗舟副榜率鄉勇守北門城陷疾歸家令妻孥皆自盡作書付僕使間道達父所而身統家奴二十餘人巷戰被重傷死奴輩從之又執庠生古元直妻譚氏大罵觸階而死賊掩其屍而去

賊屯萬縣○江灘水漲賊不得上留屯者三閱月民皆逃避賊誘以降者不殺既出悉驅之入水

夏四月叅將曾英敗賊於忠州○賊至忠州英率水師迎之用火攻燒其舟百餘號賊死以千計及英等還守涪州賊遂悉衆屯忠州葫蘆壩

蜀書 卷二
參將曾英及守道劉鱗長與賊戰於涪州敗績。○賊徒健
鬪者十餘萬，負載者倍之，置橫陣四十里，左出右騎，翼舟
而上。時英與鱗長守涪州，水路趙榮貴守梁山，陸路賊至
榮貴望風先遁，英接戰而敗，退至五里望州關，賊追及，斫
傷其頰，英手殺數人，跳而免。與鱗長走川南。

六月二十日，賊陷重慶。瑞王常浩及巡撫陳士奇以下各
官死之。○重慶下流四十里，曰銅鑼峽，上江要路。士奇宿
重兵以守。六月八日，獻忠入涪，分舟師泝流犯峽而已。則
登山疾馳一百五十里，破江津，掠其船，順流而下。十七日

奪佛圖關，賊得關，峽反，出其下。兵士驚擾，不能支，遂潰。賊
數十萬至城下。士奇等日夜登陴，衣不解帶，以火灌滾炮
擊賊，死無數。於是賊發民墓，凶具負以穴城，而置大炮為
火攻。至二十日夜，黑雲四布，賊於城角藏火藥數十筒，晨
起以火箭齊射，藥處火發，地裂城遂陷。王與各官俱遇害。
瑞王常浩，神宗第五子，先自漢中奔蜀，關南道陳振羽、王
麟俱隴西士大夫，多孳妻子以從。王來至重慶，城陷被執。
時天無雲而雷，賊曰：「若再雷者，釋之已。」而王不免。王好佛，
不近女色，丞監以下皆化之。吳民有解瑞府糧者，無行費。

必厚給賞使早歸其死也乘白氣冉冉而沒人謂之兵解
陳士奇字平人漳浦人閩之能文家也天啟進士崇正十
五年來撫川緣劾候代賊既入夔將吏謂公曰卸事撫軍
可以去矣公曰賊自我入川來我去何以對君父義與封
疆共存亡耳城陷與關南兵備副使陳纁知府王行儉巴
縣知縣王錫指揮顧景俱死行儉字質行江南宜興進士
賊縛於演武場大罵不絕賊斃之錫字古田江西新建進
士被執慷慨激烈與士奇備受五毒磔死景聞城陷入王
府以已所乘馬乘王鞭而走遇賊呼曰賊寧殺我無犯帝

子賊戕王景死之自瑞王以下死者萬人是日天大雷電
晝晦獻怒架飛礮向天擊之天為之霧

賊斷軍士臂三萬七十餘人○時重慶軍士尚有三萬七
十餘人賊盡斷其臂而縱之

賊分兵攻合州諸生董克治起兵拒戰

賊即分兵掠合州克治傾家貲募勇壯殺賊賊大至遇於
長安坪與戰不勝退據洞中誘以爵位不動相守月餘賊
鑿山梯洞舉火薰之凡三千人感克治風義至死無一變
心者時比田橫云入永川邑人蔣世鉉集義勇二百人櫻

城固守後與賊戰於東門被執勸之降瞠目大呼曰速殺我不降也賊寸磔之邑孝廉梁士騏遇賊執之行欲授以官大怒罵賊被殺

秋八月初九日賊攻成都陷之成都王至澍太平王至溲巡撫龍文光巡按劉之渤及諸文武官俱死賊大殺三日賊自重慶趨成都一路州縣望風瓦解烽火數百里不絕成都大震蜀王謀遷於滇按臣劉之渤力持不可內江王不聽與之爭王以六月十三日成行守門卒洶洶亂輜重婦女有被掠者王迺止之渤與監紀同知方堯相等請王

出財貨招募死士向東殺賊王以祖制為辭於是城中一日數驚火藥局災雷震宮殿大雨雹王懼方出財招募三日人無應之者而賊從資簡至矣是時新撫龍文光總兵劉佳印率三千兵自川北入援謀守禦而王宗大姓逸去者半賊薄城下佳印出戰敗還文光見濠涸急遣郫縣令趙佳煒決都江大堰以益之時賊穴城實以火藥又剽大木長數丈者合之纏以帛貯藥向城樓之渤等厲眾奮擊賊却二三里未幾雨大作雷電交加守陴者不能立賊縱火攻城穴西北取以大炮擊之錦江樓崩木石飛空蔽地

賊蜂擁而入城破王率嬪妃沉於宮中八角井太平王至
涿從焉文光等俱殉難賊大殺三日

成都王至澍嗣王奉銓長子萬歷四十三年嗣城陷自沉
於井卬妃隨王宮人素馨等相繼從死

初高皇諸子蜀獻王好學帝呼為蜀秀才妙選名儒侍講
幄繕寫購藏圖書甚富而世傳獻王得鴻寶之書於內府
子孫善黃白冶化然皆積不用至臨藩亦能作黃金因特
其都為天險而蜀士大夫以道惡地偏無復多憂迨五月
審知國信七月傳賊將至城中人震恐每夜呼曰闖至矣

明日又呼曰獻至矣王不知所為謀以宮人遯於荒富家
亦從孥以出以劉之渤持之不果蜀世有共德王號賢王
特以祖宗之制不典兵不與民事故請餉弗聽請召募弗
聽賊搏城下始出金購兵而人莫應二百七十年富庶之
藩封喪於賊手矣哀哉

太平王至涿嗣王奉銓第四子萬歷四十四年封隨居成
都賊入同蜀王投井死

龍文光柳州進士以川北道擢撫四川駐節順慶聞賊趨
成都星馳赴省圖拒守城破投浣花溪死

劉之渤字羽長寶雞進士以御史巡按四川與文光謀守
城被執賊以同鄉欲用之之渤大罵曰死賊我豈從汝耶
賊縛於端禮門外攢矢射之不少屈臨死厲聲曰寧多副
我一刀少殺一百姓賊磔其屍一時從死者按察副使張
繼孟守西道陳其赤建昌兵備僉事劉士斗監紀同知方
堯相成都令吳繼善華陽令沈雲祚郫縣令趙嘉煒教授
何失名長史鄭安民

劉士斗番禺人以進士任成都推官之渤特薦建昌兵備
僉事賊將入之渤趨之行士斗曰安危死生同此耳城陷

死之堯相字紹虞黃崗人兵餉不繼與巡按請於蜀藩不
允遂投王府河以拯起次日被執受害於萬里橋其絕命
詞云時危節見古今同取義成仁且盡忠江水茫茫願借
力此身飄蕩赴團風繼善江南人賊未至上書藩府勸其
出餉募兵纍纍數百言極痛切王不用城破閤家三十六
人同日死難雲祚字子凌太倉人城陷與之渤士斗俱幽
於太慈寺絕粒半月不死賊餽之食誘降雲祚躍起大罵
云吾欲食賊肉耳豈食賊粟哉與二劉同遇害有幼子荀
蔚方五歲友人匿之山中得免越二十年始歸嘉煒浙江

監生令耶縣賊圍城濠涸文光令決都江堰以益之水甫
至城陷嘉煒還遇賊射之赴水死其子慶麒自浙走萬里
求父屍三年不獲遇堰夫向應泰告以死處為三渡口招
魂壘土葬焉何教授當城破時坐明倫堂鳴鼓集諸生不
至夫婦自縊

武臣死者劉佳印佳印川北進士賊走成都與撫臣文光
率三千兵赴援比至賊方攻城出戰敗還同文光赴沅花
溪死總兵張奏功綦江人守東門城陷死叙南衛世嚴指
揮同馬震張卜昌鎮守成都合州人羅大爵山東人劉鎮

藩雅州指揮阮士奇撫標叅將徐明蛟都司僉書李之珍
或以陷陣死或以巷戰死

鄉宦士女殉難者原任順天府治中莊祖詔同弟致仕按
察司祖誥祖誥常賊入整衣冠端坐於堂大罵賊遇害
原任東流知縣乾曰貞賊入城曰貞拒之用磚斃一賊而
死明經卹之坊及子庠生祖福居鄉賊遣人招之之坊卧
於床曰吾受國恩已久更知誰耶掉臂復卧不食死賊執
祖福叱之跪祖福曰朝廷士子豈為賊屈乎大罵而死諸
生王鳴珂妻熊氏被執賊脅之氏罵曰我家婦肯辱身

從汝賊怒殺之

致仕大理寺正主秉乾城陷驅閤家投井以身罵賊遇害
原任宣化府同知王履亨被執至新橋投江死生員劉繼
臯以偽學官楊允升迫諸生應考大罵自刎死聞蜀藩殉
國死者厚任給事中吳宇英原任工部主事蔡如蕙舉人

江騰龍

不就賊死者內江張於廉以彭澤令致仕歸賊迫就偽職
不從與妻鍾氏同罵賊死安縣明經趙鴻偉子進士昱賊
召入監不應全家懼害安縣監生李資生宣大總督鑑之

子也賊逼入監生歎曰吾為大臣子肯屈賊乎以死自擗
妻董氏年二十三願從夫死並自縊新繁諸生費經世者
與賊將有舊賊將欲薦而官之堅辭為賊所殺資陽諸生
劉宏芳為賊所得持扇行歌於道至西門從容投石橋潭
死大學士蘇州劉宇亮子裔威從賊授之官使回縣移家
其妻王氏曰賊之官汝固可作賊之妻我斷不為自縊死
什邡明經李愛芳二女適宗室朱氏弟兄城陷二朱已先
期出賊大搜藩宗二朱知不免投水死李氏姊妹相謂曰
夫死安歸聯袂溺於江

賊略崇慶州知州王勵精死之○勵精陝西蒲城人賊破
成都州人聞風先避其僕勸之去勵精不可具朝服北面
拜復西向如禮從容於甬壁書文山孔曰成仁數語書罷
登樓以利刃縛柱而露其鋒貯火藥於樓下危坐以俟及
報賊騎渡江縱火藥發觸刃貫胸以死賊壯其節歛葬之
至今所書兩洗風凌墨痕不滅

賊入新津貢生王源長及妻徐氏死之○源長邑人崇正
間拔貢獻至揭一聯於室去存心正大光明夜可焚香告
上帝立身忠孝廉節日將披赤事明君為賊所執不屈死

妻徐氏從之有袁氏者諸生藍燦妻藍死於賊氏聞自縊
賊略漢州○州人江禹澤妻陶氏被執不辱同兒媳張氏
携手罵賊引頸就刃時張氏婦聞賊逼近將衣服週身縫
固投井死賊退數日出其屍顏色如生

賊略彭縣去民祝丕傳魯城隍等死之○丕傳邑諸生孫
可望至彭丕傳負母逃避樊家塢賊追及欲殺其母求以
已代不許遂大罵母子罹害

劉昌祚亦邑諸生匿山中被執不屈死
魯城隍失其名城隍其紳號也賊執至成都大嚼割其舌

氏給之曰素苦貧今願相從賊信為實防少間躍入井死
邑民王宗道妻袁氏被執迫之行憤怒罵賊賊殺之黃守
學亦邑民以孝聞賊圍城其母柳氏自縊守學收殮畢曰
吾當從母於地下亦縊死

賊略餘州○時關南道劉宇揚妻李氏侍郎劉宇烈妻張
氏大學士劉宇亮妻宋氏避西山白崖溝偽將劉文秀訪
得之三氏相謂曰吾姑昔日涪水遇盜懼辱投水死吾輩
終有死期今日受污異日何以見姑與夫於泉下遂同縊
賊攻仁壽知縣劉三策孝廉賈鍾斗諸生劉士愷等拒戰

死之○三策饒州舉人任仁壽令賊至捨死守城多方捍
禦每對紳士云事迫矣吾惟有不動心三字耳及城破死
之鍾斗崇正己郊孝廉同諸生劉士愷率鄉勇共謀守禦
賊大至力戰不勝俱死之

諸生龍明新復起兵拒賊被執罵賊死
又執貢生顧鼎鉉鼎鉉不屈賊抉其兩目以死
諸生陳素陳應新左灼俱殉難○賊欲污左灼妻閔氏氏
大罵不從賊殺之

辜氏女及笄未嫁聞賊入境懷利刃以俟勢迫自刎死

時井研有雷應奇者素負俠氣賊至曰奈何邵縣無一殺賊者糾義勇拒於高境關追至桑園力殺數賊死焉

賊入汝川原任教諭高仲選死之○仲選邑歲貢原任大足縣教諭城陷携其子女投江死

冬十月初三日賊陷邛州上南道胡恒知州徐孔徒死之

○胡恒竟陵人官川南駐節邛州賊分兵徇邛恒命幕客汪光翰出調兵井巖寧越守備楊起泰將兵來援未至而城陷恒與其子之驍戰死妻樊氏妾成氏馮氏之驍妾周氏僕京兒督來婢女二從死舉家遇害惟之驍妻朱氏乃

幼子義生得脫世定後始歸徐孔徒江西人城陷被執賊知其才欲生降之不屈怒其不順孔徒曰不屈固不順降則為不忠吾不敢不忠也遂死之

時賊屯兵文筆山驅士女登城環守徹夜鳴鉦有假寐者立斬每日未曛即不許舉火時逮夜不收百許繞巷升屋覘有燈光及偶語者收之左右數十家皆坐

賊陷蒲江知縣朱蘊羅死之○蘊羅湖廣江夏舉人蒲城陷率兵巷戰被執不屈賊殺之全家俱死

邛州舉人劉道貞起兵拒賊戰於雅州小關山大破之

道貞字墨仙邛州名士天啟辛酉舉人賊陷邛道貞走沉
黎激勵士漢與黎州指揮使曹勛合謀起兵賊至雅州道
貞及勛拒戰於小關山大破其衆斬首千級賊敗走自是
嚴道以南不被寇害

十六日流賊張獻忠踞藩府稱帝僭號大西改元大順以
成都為西京○賊僭位置丞相六部以下等官命汪兆麟
為左丞相嚴錫命為右丞相南充江昂鎮為禮部尚書彭
縣龔完敬為兵部尚書封養子大將四人為王孫可望平
東王劉文秀撫南王李定國安西王艾能奇定北王馬元

利劉進忠凌三品張能第化龍等為將軍為王府正殿為
承堂所至空城而遁復由水道下簡資嗣昌徵諸將合擊
皆退縮賊遂陷榮昌永川

十二月賊陷瀘州知州蘓瓊死之○瓊江南進士城破正
衣冠向闕拜泣坐堂上賊至不屈死時嗣昌在重慶下令
赦汝才罪降者授官有擒斬獻忠者賞萬金爵通侯次日
堂皇厨滷徧題有斬閣部頭來者賞銀三錢嗣昌瞠視咄
叱疑左右皆賊勒三日進兵會雨雪道斷再戒期視師三
檄賀人龍不至初嗣昌憂左良王跋扈私許賀代左為平

賊將軍已而良玉有瑪瑙山之捷謂賀且需後命良玉聞之不說二將以是怨望元吉進曰軍心未一不可以戰盍令前軍躡賊後軍為繼中軍從間道出梓潼扼歸路以徐候濟師此萬全策也嗣昌有驕色曰賊易與耳馬用分兵示弱耶至是獻忠破瀘州瀘州城三隅形銳而面江止立石站一路可北走元吉請以大軍自南搗其老巢伏兵傍塞玉

賊遣張化龍等陷龍安○府庠生梁道濟同妻楊氏避亂山中賊執之使跪道濟曰我讀聖賢書豈為則屈膝耶欲

犯楊氏氏罵曰我名家女士人妻爾速殺之隨夫地下足矣賊縛剛之夫妻至死罵不絕口

賊遣劉進忠馬元利等略川北

是時賊設鑄局取藩府所蓄古鼎玩器及城內外寺院銅像鎔液為錢其文曰大順通寶令民間家懸順民號帖以大順新錢釘之帽頂

諸神像首百煉不化賊盡棄之後本朝成都知府冀應熊拾而埋之北關外題其碣曰佛塚

賊錢肉色光潤精緻不類常鈔至今得者作婦女簪花不

減赤金

又行保甲法甚嚴諸門各設一兵部二都督議呵出入民之出城者先期報某甲姓名以某事往約某日歸合符而入有失期及踰時者斬又將各處石碣碑坊悉刻明朝年號有獻忠二字者盡去無遺又禁其下勿得觸諱郡邑人物有犯必死

賊又分其兵一百二十營虎威豹韜龍韜鷹揚為宿衛設都督總督領之立大營十小營十二於南門五里外中置老營獻自居之名為御營

或云獻坐玉殿影見白衣大人射之頭暈目眩欲墜座下不敢坐常居營中今其地名御營壩

時孫可望取漢中為闖將賀珍所敗獻親往救過梓潼七曲山仰視神廟題額張姓曰此吾祖也追上尊號曰始祖高皇帝獻不知書其從官進諛比於李唐之追王混元自謂文昌之後裔宜帝巴蜀誰耀百姓建太廟於山鑄像祀之落成賦詩其中令右相嚴錫命以下皆和御製稍遲者斬詩刻石置八卦亭內

賊將劉進忠等破安岳原任兵備副使竇可進死之進士

王起我起兵拒戰敗死○可進邑人崇正庚辰進士仁雲南兵備副使告歸安岳陷被執罵賊不屈賊剝其皮磔之起我字如蘇可進同榜進士賊至倡義得萬餘人與賊戰敗沒於陣

賊陷樂至烈婦荆娘不辱死○荆娘邑人楊文煥之妻也買於荊州因以為名文煥卒守節城陷為賊所得大罵不受辱賊殺之

賊陷潼川孝廉李永蒸死之○永蒸崇正丙子舉人魁岸善飲聞賊據蜀避老安寺斷暈絕飲稱病卧床賊至嚴索

得之令偽官昇至成都張目不言引頸受刃

李錦中州廩生賊遣偽官考試佯狂卧地追之遂閉戶自經

州進士李為為妻吳氏縊死孝廉黃纘妻張氏歐如虹妻黃氏貢主楊先憲妻朱氏俱被執罵賊死時賊取朱氏首去先憲刻木首附屍葬之

賊至遂寧原任教諭姚思孝死之諸生羅璋戰死○思孝邑明經內江縣教諭賊執之守義不屈被殺時羅璋奉母避山中賊圍之大戰殺數人母得脫璋遇害

賊遂至蓬溪邑人譚性妻陳氏被獲欲污之大罵不從殺之○至射洪城中人盡逃有一老儒遽止之人告以故老儒曰焉有此事待吾問之登婢墻見賊卒蝟集疾聲向賊云清平世界爾等率眾圍城欲謀反乎獨不畏王法耶言未畢而飛矢集喉斃城上矣此殆與桐城二老人相似賊寇江南入桐城人皆走避一老人自扶杖出見賊絮語生平窮苦狀謂不能具主人禮賊笑曰若苦如此何必更住世間殺之

又一老人赴其戚屬值戚家洶洶避賊老人罵曰汝曹俱出家中什物誰與看守不懼旁人偷竊汝等俱去我止於此未幾賊大至焚其室老人被殺

賊將劉進忠入保寧府據之○先是闖賊命賊將馬科黎玉田寇蜀擾亂川北獻兵至二人敗走陝西賔珍統前鋒王老虎婢將嚴某沈鄭復師來爭馬元利敗走城復失及珍回不守獻命進忠入據之

保寧有張桓侯飛廟千年矣初獻攻城夜出巡壘見一黑大人踞城上手持蛇矛足浸江中驚怖失聲如是者三夜獻詢知為侯神望空遙祭而去一城獲全保寧數被兵而

城中不至漸盡者侯之庇也

通江童子以抗賊死○童子通江人賊犯境邑令李存性守禦甚嚴賊不能近倖為官兵將罷城道遇童子給之曰勿言我兵也童子佯應之且走將及城門大呼曰賊至矣賊殺之邑令為具葬於城西祭之以文

時邑人王廷輔妻閻氏聞賊入遁深林中被賊搜執觸樹未死罵賊賊怒殺之羣鳥環屍哀鳴不散

賊至東鄉貢生冉璘及其子宗孔死之舉家自焚○冉璘東鄉恩貢賊至挈家避天台寨賊追及同子宗孔被執不

屈死其母楊氏妻向氏偕一家老稚登樓自焚

劍州梓潼等處俱陷於賊○賊遣兵徇梓潼諸生蒲先春妻趙氏投江死魏元良妻趙氏投繯死

入劍州諸生李一鴻妻被執賊逼之大罵剗其腹而死貢生張公選女逃至石子嶺賊追及登石上罵賊賊撞其齒落盡仍罵不絕以刃穿胸死

入昭化生員賈允昌母李氏任如永母吳氏俱為賊擄並罵賊死

入廣元諸生李猶龍抗節不降為賊所殺

賊將馬元利下順慶守之

原任禮部郎中李含乙起兵復廣安州不克死之○含乙渠縣人由進士任禮部郎中丁憂里居賊取含乙軍士得數千人圍廣安城幾復適馬元利來爭力戰被執死焉邑人王樹極從含乙為裨將含乙敗為賊所獲樹極已潰圍出遙見之反戈殺數人被執亦不屈死

賊陷西充南充營山諸邑原任御史李完諸生樊明善陳懷西等死之○李完西充進一官御史致仕歸賊入西充死難樊明善南充學生聞京城破大慟時撫軍龍文光駐

劄順慶明善喪服諸軍門曰鼎湖新逝臣子不共戴天公聞變三日矣而無所施為耶文光深謝之至是破家禦賊死陳懷西南充武生賊誘之官懷西曰寧作明朝武生豈為逆賊元老賊斬之懸首東門其子哀痛而死時西充學生馬孫鸞見賊殺懷西大罵割舌死營山諸生王光先當賊屯城率義勇戰於北關被執脅之降不從遇害

大竹武生王蘋聞賊入川語諸父曰食國家水土力不能報畢命可耳父然之至賊至其父拔刀相迎殺數賊方竭

死遂擒壻痛闔不絕口死之

賊破儀隴有王爾讀者邑人王臯家僕也賊追縣令李時問將及之爾讀書身禦賊令奔脫爾讀被殺

其時婦女死者南克黃氏氏太史黃輝孫女夫早卒教于成名聞賊至泣語子曰爾幸遊泮我終身苦節值茲寇亂敢求活耶我死汝弗事賊即報汝父母矣遂縊西克杜氏避賊於張村溝被獲詈賊不從斷臂以死孝廉陳宸女年十六未字值賊至隨父母走避射洪為射所得強之行罵賊賊怒殺之貢生張尚選女年二十城據西克與父母同

執賊給以好語女大怒罵賊死儀隴楊氏岳池劉氏俱為賊所獲不從死之巴州廩生楊日昇妻李氏被虜奮身投

江死

賊陷眉州

賊陷烏江置偽官守之○邑貢生黎應大潛於家結鄉隣之倡義者以圖恢復事露賊支解之子照斗照遠照鸞同日遇害父子至死罵不絕口三日後猶凜凜有生氣

賊陷嘉定改為府以偽官任元祐守之○賊入州執庠生郭大年殺之大年妻楊氏曰願同夫死迺出幼子付姑從

麗正門城上躍入江中

入捷為舉人周正陳天祐抗節死○偽守任元祐促周正之官正不從罵賊被殺其子成儒與少弟議以家屬托其叔曰臣死君子死父其分也迺共奔賊營抱父屍大哭賊並殺之陳天祐夫妻同執並拒賊死賊拘其二女置輿中昇經學前二女抗聲曰我陳氏女也往與父母同死一處斷不玷我鄉里到營門見父母屍踴身撞石指賊大罵俱遇害

初賊索諸生省試邑彭大同張廷機並被難大同妻任

氏設酒殺要鄉隣親戚永訣自縊廷機妻梅氏投水死時稱雙節云

賊分掠榮縣知縣秦民湯死之○民湯漢陽人賊至被執不屈叢射而死

賊陷叙州原任湖廣布政司尹伸死之○尹伸字子求宜賓人萬歷戊戌進士歷官陝西提學湖廣布政司以節義文章自負尤工書法避亂山中為賊搜獲大罵賊賊重其名欲生致之昇至井研罵日益厲賊不堪殺之妻邵氏妾夏氏長子尹恩婦楊氏並盡節

同邑舉人周元孝亦以不受偽職死

時諸生熊兆柱倡義討賊李師武附之兆柱被獲大罵曰
天運至此任爾戕戮則剥皮鞭鼓懸之城門令出入者擊
之師武被磔

諸生魚嘉鵬率眾殺偽官為賊所縛拷訊其黨厲聲曰自
我為之恨不擒斬獻逆耳他人何與賊副死

諸生劉苞晏正寅王應世俱不屈死郭大勳閤門罵賊死
李合宗梁為憲械至成都面罵獻忠死

時邑人總督樊一蘅方奉永明王命入川討賊夫人李氏

方伯文續之女也家居為賊搜執繫諸郡獄以辱之夫人
大呼曰我夫奉行天討誓必殄滅賊類繫我何懼屢罵賊
賊殺之裂其屍棄之於途 樊一若妾夏氏年二十被執
奪刀自殺賊怒懸其髮於梁支解焉

兵部侍郎劉之綸妻楊氏孀居賊至逼之夫人曰我命婦
也豈為賊屈賊副其兩乳而死

諸生余智與妻楊氏俱執同罵賊死

周壩有渡子者業操舟賊至命之渡不應問船所在亦不
應賊脅以刃忿怒拳擊賊賊殺之

叙州諸屬邑俱陷

筠連人蘇亮工妻毋氏為賊挾之行至鳴鳳岡墜崖死

高縣人陳徵女三姑避落角洞中洞破投水死

珙縣舉人向科原任江陵縣里居賊入索之閤家殉難

慶符人張祖周聞賊至語友人曰百年有盡何貪生為投

縲自死

隆昌諸生劉茲為賊所殺執其妻盧氏強之行氏給曰必

見夫屍通行及茲死所抱屍痛髮大罵賊死之

廩生范瑛妻胡氏抱幼女逃被掠母子俱死

賊入納谿邑有二王氏一為生員閔翼聖妻避兵蘆鄉賊

劫之投縲死一為生員易衍禹妻被獲不受污投燬死

賊入瀘州紳士韓洪鼎方旭等死之○洪鼎州人以孝廉

任澤州牧歸里賊至同原任推官韓大賓俱不屈死方旭

及方伯元曾薦祚鍾子英皆諸生也賊掠生員至營中有

泣訴求脫者旭叱之曰我輩受國家養士恩三百年矣恨

不能噬賊肉以報國尚欲醜顏求活乎大夫死即死耳乞

憐何益賊怒支解之伯元亦罵賊被殺薦祚投水死子英

聞賊至歎曰吾讀聖賢書何忍立此世乎與其妻携手沉

於江

瀘州衛指揮使士萬春起兵拒賊敗死○萬春見賊入所
至多降忿怒率屯兵拒賊轉戰數日兵敗就擒不屈並其
家死之

七寶寺僧晞容糾眾破賊於豹子洞○賊攻豹子洞晞容
奮臂曰洞中數百生靈豈可坐視其死糾鄉勇五百人拒
戰身先衝殺賊大敗洞圍解於是簡練精悍與之相持先
後殺賊千計一日賊突至遂為所害

先是瀘有湯名揚者天啟間藺寇起集義勇百餘隨大司
馬朱燮元征討以功授松潘守將時有邊警名揚自龍安
轉戰三百里間築砦堡于數拒寇累績至副將流賊入蜀
撫鎮檄名揚為前鋒遇偽帥虎頭卜數戰敗之賊悉眾圍
於二郎關援兵不至卒飢戰直死名揚身被數十鎗猶舉
刀殺賊賊爭磔之事聞賜廕祠祀焉

蜀碧卷二終

蜀碧

卷二

五

